

上虞羅氏譜

張晉鑑署簽

尊  
卷一









上海圖書館藏

宣統三年仲冬

上虞羅氏譜

貽穀堂續修







序 建十世朝恩無以酬合

上海市歷史文獻圖書館藏

今 案 乘 東 之 高 國 苦 無 補 廷 庶 苦 宗 廟 奉 蒸

皇上登極之年我宗長悅蘭氏春秋既高聰明矍鑠敢言任事廉

公有威進族之賢而多財者捐金續譜而命

繼傳

董其成三

年獻其稿宗長喜曰是宜有言以詔來世

繼傳

乃振筆而書

曰 承平日久滿堂酒宴以歸愈著如前中水為賦風淪似跡

國朝定鼎以來我羅氏苗裔蒙 卜 甲 開 書 山 效 令 日 四 十 餘 餘

天子恩休養生息二百六十餘年矣其閒遘饑饉兵火流離死亡

誠可浩嘆而千百家聚族於斯蔚然成鄉歲時烝嘗歌舞太

平者至今未輟也非先澤之深遺風之厚而為之父兄者又



能恪守祖訓教化有權奚能如是憶曩時束髮受書卽聞先  
叔祖味園太史以老解組優游林下應致堂公聘博攷羅氏  
源流采訪徧各州省勅立印譜姚江戴雲門先生續成之鉅  
製鴻裁媿於典冊蓋同治六七年閒事也逮今已四十餘稔  
矣承平日久流澤旣遠似續愈蕃政值中外海通風氣所趨  
東亞西歐皆將有子弟游蹟而況商戰崛起與昔之孝弟力田  
食租衣稅者冀千金可立致輒纍然航海而行人世滄桑誰  
念鄉井一二紈袴之子席富而驕鄙陋無文采問以數百年  
之家乘束之高閣茫若無睹我祖若宗闢草萊長子孫緜衍  
至數十世瞬息而無以聯合一家視若秦越在天之靈能無



怨恫斯譜之所以續而不可須臾緩者也 繼傳 登賢書之十

年年將艾矣家貧甚欲弦歌以為三徑之資而才與世違空

嗟瓠落叨先人之蔭讀書牖下不辱其身斯幸矣願以宗長

之命謂不才猶能諳譜例也何敢以禱昧辭謹受詞而為之

序

宣統三年龍集辛亥

十九世宗長悅蘭氏命撰今振

二十二世孫繼傳敬書



二十三世

十代世宗

二年

命歸水木餘... 聽菴... 卒平... 恐...





上虞羅氏續修宗譜序

蘇明允族譜引之言曰吾所與相視如途人者其初兄弟也  
兄弟其初則一人之身也悲夫一人之身分而至於途人此  
吾譜之所以作也嗚呼何其言之深切而著明也吾羅氏之  
遷上虞者垂三十世其丁口逾萬數其中士者農者工者商  
者至差參而不一其幸而不至於途人者則譜之爲用也吾  
曾祖希齋公又由上虞遷江蘇之淮安至振方而四世今振  
方已見孫輩則且六世矣此六世中丁口亦逾百數散處四  
方慶弔多不相通甚有覲面而不相識者與途人何異更何  
論三十世之遠乎其幸而仍不至於途人者則譜之爲用也



一風類記  
振方既生長異鄉惟應試時一返里故於族中之先德罔所  
聞見其得物識其匡略者亦惟於家乘中求之第自同治己  
巳以後迄未續修代遠年湮匆集匪易可憂孰甚焉歲壬寅  
振方與族叔賡雲公同舉於鄉卽建續修之議賡雲公歸謀  
於族房各長擔任纂輯固以人事牽牽迄未告成辛壬之交  
國步變更賡雲公來京師詢知脫稿過半因付刊無資遂暫  
擱置振方深惜之謀集資以助其成而未果也會賡雲公逝  
世更無復與謀其事者矣歲癸亥振方復晤族叔坤祥公於  
滬上見其勇於爲善而於族中公益之事尤多盡力因以促  
成譜事囑之坤祥公慨然以爲己任越一歲甲子得賡雲公



子廷瑚族兄之函知纂輯已竣不日付梓並囑爲文以序之  
振方聞之而後喜可知也蓋其事經艱難延阻歷一十年之  
久而始告成固由坤祥公之慨助巨資俾速成事功德自垂  
不朽而廷瑚族兄等之善承先志亦可以慰賡雲公於地下  
則此後吾羅氏族人之永永不至於途人者皆諸公之所賜  
也振方旣爲建議修譜之一人又何敢辭其不文而不爲一  
言以紀其事乎

民國十二年歲次甲子裔孫振方謹序

後人查閱



其國十三平遠定甲午首為志衣韓武司

言以際其事十

也雖有海益


限此發音錄

本既而我既

人而故告如

悉衣開文而

予至臨其足





例言

- 一 是譜首列序次例言總目舊序次書法修葺人名次源流宗規譜行次墳宅像圖次年譜行述次傳贊墓誌世表系圖次恩綸士宦科名節孝文苑遷派義莊各志次備攷補遺循序不亂俾閱者一目瞭然
- 一 譜原始祖崇本也又推始祖之所自出追源也茲以遠宗淵源圖羅江近宗世系圖今改爲豫章遠宗世系表羅江近宗世系表冠之於首原圖附入備攷以便後人查閱
- 一 吾族自宋迄今歷代簪纓不絕累朝誥勅良多故特刊恩綸志編入系圖之後以誌不忘



一吾族文獻甲於一邑有以文學顯有以科名士宦顯者實堪

誇一族門第之光至如女子青年守志白首全貞其一片冰

霜苦心亦宜急為表揚故譜中以文學科名仕宦記載外並

載節孝依次編輯亦所以鼓勵後人之至意

一吾族素崇讀書英才迭出歷代祖先著作與名士所贈記

序前經彙錄成書奈未曾刊刻而遽遭灰燼其存者不過十

之一二茲將碑銘記序詩賦文詞等類登之於譜作為文苑

志間有先代名士所贈者分為文苑志外集以彰先人之遺

蹟以為後人之模楷

一吾族聚居地狹難免分徙子孫眾多貧富不均彼此幾同



途人者今故刊遷派表以明其出處立義莊志以示其矜恤  
俾後人知所由來以彰先人敦本睦族之意

一譜之有統行顯以明世次隱以聯族誼也舊譜各支俱由自  
立不歸劃一茲議十八世起新立譜行以聰明睿智寬裕溫  
柔發強剛毅齋莊中正文理密察貳拾字爲闔族統行以後  
各認世數依字排取毋得顛倒錯亂

一 是譜卷帙叢多篇幅繁富雖曰校正難免舛訛茲以各卷末  
尾附刊誤表一頁說明某處脫落某字某處更改某字使閱  
者一覽而知







上虞羅氏譜宗世系表世系圖

新總目宗世系表

序編房世系圖

例言房世系圖

總目房世系圖

舊序

書法

先後纂修人名錄

源流

宗規





譜行

遷虞始祖元善公像

闔族宅圖

先代墳圖

年譜


行述

傳贊

墓誌

豫章遠宗世系表

羅江近宗世系表





始祖至五世分支世系圖

祥一房世系圖 四卷

祥二房世系圖 八卷

祥三房世系圖 四卷

祥四房世系圖 三卷

恩綸志

仕宦志

科名志

節孝志

文苑志





遷派志

義莊志

各處世系圖備攷

補遺

異姓入繼

出繼異姓系圖 三卷

跋三良世系圖 四卷

補三良世系圖 八卷

補三良世系圖 四卷

餘即至五世世系圖





舊序

始葺族譜序 尊祖慈宗 效法垂訓 吾閩文獻之 不若 羅氏族譜 譜古虞羅氏之族也 大宋以前 譜之在江右者 固皆出於一源 迨南渡而後 散處浙之東西 於是乎各自爲譜 而派始分矣 越之上虞一派 有始祖諱元元 生榮榮 生壽壽 生三子 一女 長孟祥 次仲銘 三女 守志 不字 以兄子爲嗣 四季安 凡羅氏合族子孫之在譜者 皆本於四支 所出今已若干世矣 元之六世孫 與宣與淵 文仲 恐其久而有途人之嘆 乃考其家乘 作世譜一帙 求余爲序 按羅氏出自妘姓 祝融之後 受封於羅 因以爲氏 厥後支派蔓衍 分居各郡 而江右



豫章實爲之望唐宣宗朝進士諱甫字令則歷官兵部尙書  
先居豫章繼遷桐廬避黃巢亂復徙於慈邑之羅江爲羅江  
始祖至八世孫元南宋時由羅江徙上虞北鄉二都遂爲虞  
北之始祖焉嗟夫天下之人孰非大姓之苗裔哉然非有譜  
以維之必數傳而親疎莫識世系不明甚至有不能道先世  
一事者今與宜兄弟輩能考其始祖之所自出而復自始祖  
以下分爲四支合其族中子弟考訂詳明畫爲譜圖與宗族  
共之幹枝條達綱紀脈聯而昭穆親疏遠近之辨可引而觀  
也其有志於尊祖敬宗收族者與吾聞之源之深者其委必  
晉江大世之遠者其後必昌羅氏之居上虞歷二百餘年子孫縣



繇不絕可謂遠矣其從子懷瑾又能力學修業以經術自致  
天將益遠其世以昌其後乎與淵與宗黨謹譜牒守家乘佩  
服先世之訓以盡人子之所當爲羅氏之興不止於斯而已  
此余之所以觀於譜而有感也因誌其後而序之

永樂十二年歲次甲午二月既望  
會稽袁 鑑序

自周官小史之職不修因生賜姓之典既廢而譜牒之所以  
作也譜也者著其所出而本支以明詳其所繼而世次有稽  
綴骨肉之恩俾孝敬之心不以盛衰而有閒聯族屬之情使  
雍睦之道不以親疏而有殊族不可以無譜而譜之作豈細  
故哉嗟夫萬物本乎天人本乎祖支分派別雖不一然皆自



吾祖推之則親盡而尊卑之分不紊服殺而慶弔之禮必行  
皆由譜以維持人心有合而無散也苟無譜以統之則本乎  
祖者不幾相視爲塗人乎故君子爲此懼必拳拳焉族其譜  
推而上之有以承於先降而下之有以傳於後承焉傳焉雖  
歷久遠而相引勿替數十世瞭然如一日者誠以譜之有賴  
也上虞邑庠生羅君懷瑾字守拙致書於余曰吾族之先本  
豫章自唐兵部尙書諱甫字令則始居睦之桐廬避黃巢亂  
乃自桐廬徙慈邑之羅江而家焉歷八世諱元字元善者南  
宋時由羅江來家上虞北鄉遂爲上虞望族而桐廬餘杭臨  
安慈谿餘姚皆一派也舊譜雖有可考我先人復以近知者



斷自元善公始繕修新譜未求有序而奄棄諸孤不肖孤大  
懼不能繼承先志以示後人也汝其爲我序之夫有木本水  
源之念者乃必慎重於其譜也今懷瑾之父勤勤於此可謂  
慎重其本矣懷瑾又耿耿不忘可謂世濟其美矣羅氏子孫  
觀是譜者孝悌之心詎不油然而生乎尙益引而勿替也

永樂十七年歲次戊戌六月既望

廣南中令奉議大夫江西按察司僉事餘姚倪

訥撰

譜系之作所以敦孝敬隆恩愛明尊卑而別親疎者也古昔  
盛族若晉之王謝唐之李郭宋之韓范皆垂休數百年子孫  
藉之以爲榮者不有譜系相傳人孰信而敬羨之然必有豪



傑之士創之於前復有賢達之裔繼之於後斯譜系之相承自有歷久而不替者矣吾觀同行僉憲羅君慎菴之族譜實所謂先後得人者焉君之先世本慈谿羅江人始祖唐進士諱甫字介則累官至兵部尙書元封順惠侯先居睦之桐廬繼遷慈之羅江至八世孫諱元字元善來家上虞三都遂爲虞邑之始祖焉由元善公而來漸衍漸繁縣縣延延至慎菴之祖文仲迺與堂兄與宣與淵追本窮源正訛辨誤繕修新譜以維持族屬考祁門司訓守拙公繼輯之今慎菴又輯之余從知羅氏家聲茂盛歷世愈久而愈昌譬諸水焉交流百出而無往不達譬諸木焉枝幹條暢而日益繁衍向非文仲



諸公彰美於其始守拙公與其子慎菴善述於其後則家乘  
世系何由而傳尊卑親疎何由而分孝敬慈愛何由而起哉  
雖然譜之所載不以賢智而特書不以愚不肖而或隱後之  
人觀之將必指其名而議之曰某也德勝才某也才勝德某  
也才德兼美某也才德俱亡某也有光先世某也有玷家聲  
羅氏子孫其尙勸之余于慎菴有三仕同寅之誼故於其求  
序也不以美而以規  
天順八年歲次甲申二月下澣  
嘉議大夫雲南等處提刑按察使東吳呂  
重葺族譜序



宗譜之不可不作先儒論之詳矣世系之不可不明尤切要而不可忽焉者也世系不明則誤認遠祖妄拜隴墓取譏貽笑誠爲可恥其於溯本窮源尊祖敬宗之義安在哉粵自胙土而姓氏分著職而世族廣羅氏裔出祝融之後封於羅國因以爲氏厥後散居江西歷陽會稽世遠而莫之可考其可考者遠宗豫章近宗慈溪而已然慈溪之譜僅云由桐廬遷羅江而不溯本於豫章者失宗失宗者略也略固非也昔先人傳說妄宗豫章畸公而不本於慈溪順惠侯者紊宗紊宗者惑也惑亦非也登休居十年每思宗譜之修已歷數十載矣今不復續後將靡傳亦責有所歸也遂延堂兄公總於家



塾相與檢閱世系紊錯甲彼乙此罔知適從日夜遑遑殫心  
考究始知畸公者同本豫章生於桐廬宋元祐間爲滁州刺  
史建炎初扈蹕南渡遂家錢塘爲吾宗之列祖而非嫡祖也  
復考慈谿嘉德堂宗譜鼻祖順惠侯諱甫生伏伏生仁祖仁  
祖生好勇好勇生立恥立恥生守珍守珍生崇寶崇寶生百  
十百十卽吾始祖元善公譜行一氣相傳略無間斷且明註  
其下住上虞永豐里逐一無訛夫譜錄累世相因確鑿可據  
則吾宗之自出非本順惠侯而何哉登於是據實考訂以清  
其源俾後人知吾族自豫章發脈羅江分支順惠侯之後裔  
無容再疑矣嗚呼譜系所關人第知將來者當續庶免途人



之嘆孰知既往者當明尤爲正本之要蓋將來者不續尙或  
可待既往者不明則終於不明也吾輩若不追其所由來則  
雖近宗始祖猶之無根之木無源之水得無寒心矣乎續譜  
將脫稿心維而神會朝索而夜思頓然而覺悟豈非吾祖在  
天之靈佑啓其衷使不終於湮紊也耶數百年之承訛襲舛  
一旦釋然而紊者以正散者以收亡者以補斯譜之修豈曰  
小補之哉故備書顛末而序之

嘉靖三十三年歲次甲寅八月中澣吉旦

特授黃州府捕盜通判補潯州府陞鬱林州知州十世孫瑞

登謹書



人道曷始乎孝弟是也蓋人生孩提不失乎愛敬者固由其  
知能之良亦自其父母兄弟之近者言之也若夫族屬疏遠  
子孫繁衍則雖有克全孝弟之良而不知源流之自鮮有不  
視之如路人者故譜牒之修著其出之有自詳其世之有序  
骨肉之恩以聯族屬之情以綴庶幾其維周官小史之職大  
宗小宗之法而有由明乎吾族本祝融妘姓受封於羅因以  
爲氏其先居江西豫章厥後徙睦之桐廬至唐僖宗廣明閒  
有順惠侯八府君者避黃巢亂復徙於慈邑之羅江而奠厥  
居今有嘉德廟卽八府君祠也七傳而八世祖諱宗節行百  
十者來家上虞三都永豐鄉更名元字元善行元一遂爲上



虞羅氏之始祖也然元善公以上譜牒既失支派莫詳先世  
誤以滁州刺史畸公爲的派迨高伯祖與宣公與淵公文仲  
公始勘宗譜根究來源正訛辨誤以順惠侯爲嫡祖厥後伯  
祖慎菴公伯父雲棲公相繼重葺源委益詳自是至總蓋有  
數十年矣族系益繁客居殊方者無算今此不錄則散落無  
收而不免於途人之視豈所以體吾祖宗一體而分之情耶  
嘉靖甲寅宗弟瑞登深爲此慮而謀及於余相與搜羅散佚  
窮究根源上溯淵源之所自來下推支派之所由分考正修  
輯以續前譜辨其異同使不之紊正其舛訛使不之誤指其  
死葬使不之失闡其隱德使不之沒統之者有宗則子孫知



一本之有在而聯疏爲親者在是分之者有派則子孫知支  
流之不混而由親逮疎者在是庶幾正倫序廣恩義雖世代  
更變親疏易處仍一家也是譜之重輯其容已乎

嘉靖三十三年歲次甲寅中秋日十世孫公總薰沐謹書不  
族之有譜尙矣譜之所從來亦久矣矧羅氏又爲望族其先  
代遺譜尤班班可考者乎顧向所述元祖之所自出派脈之  
所由來先人譜序論之已詳奚煩贅敘第憶嘉靖己酉年曾  
父祖往遊京邸適上虞曾伯祖白水公者以拔貢中順天鄉  
試與曾父祖考羅氏譜之流派自豫章而散處於浙江或在  
桐廬或在錢塘或在會稽或在慈谿或在餘姚或在上虞其



源流各分族譜彰彰毫不差謬迨白水公授武清縣尹歸不  
二十餘年而大父祖又叨中隆慶戊辰鼎甲焉及萬曆戊寅  
年大父祖以侍讀養病歸適曾伯祖白水公懸弧七旬也大  
父祖以文壽公卽以當年與曾父祖所訂譜語爲文故今徵  
序於余復以其文詳錄譜內以爲不朽之標的獨其遺譜所  
載僅僅先代諸祖今其子孫繁衍極之煙火數千家其閒遺  
而不及備備而不及詳者苟不爲之具載氏族根枝派衍不  
惟後無考證而先世所遺不朽之跡亦任其散逸而不存矣  
故續譜之作特緣遺譜而踵成之俾知羅氏望族淵源有自  
繼述有人庶幾盛可傳美可彰也元賓宗孫以福建侍御歸




覽續譜是爲序

崇禎三年歲次庚午吉旦

賜進士第河南道監察御史宗孫元賓撰

續葺祥三房譜序

吾族自元善公由慈遷虞以來舊譜已沒於宋季之兵燹至永樂間六世祖與宣公與淵公文仲公率子守拙公追源分派始勘譜稿昭示來許而世次得以明越十世祖公總瑞登二公復於嘉靖甲寅廣搜博採而增續之崇禎庚午十一世祖白水公相繼又續前明歷代繼述有人支派故無遺脫至本朝無人繼起生齒益繁族屬益盛奮志而復續之者實鮮





迄今又百餘年矣其間或遷異地而不知或客遠鄉而不載  
或存或亡或絕或遺而不考何支何派何名何行而不稽不  
獨同姓如路人甚有孫不識祖諱子不識父名者余因是皇  
皇焉竊有所慨遂以設教之餘不辭艱苦勞費精力追續前  
功詢諸長老稽之簿籍分支別派正訛辨疑增修新村本支  
宗譜訂成一稿然非朝夕之事其所由來者久矣稿成付姪  
欽錫且詔之曰予草創於前汝修飾於後上承一本下合萬  
殊亦未始非收散佚聯族屬篤倫紀明昭穆之一助也後之  
覽是譜者當亦知予之不無小補云爾

雍正八年歲次庚戌秋八月十五世孫聞遠薰沐敬書



蓋族以譜爲重而譜尤以續爲要有族無譜則若網失綱有  
譜不續則積久難稽厥後漸推漸遠不獨同姓視如路人而  
先人剝造之意亦俱委諸風雨矣我族之譜創於永樂修於  
嘉靖終明之世相繼而續輯者代有其人至

本朝無人接續譜乘至於殘缺朽蠹宗支至於脫落無稽我  
堂叔聞遠公不勝慨嘆欲繼先志葺續舊譜無奈簡編散失  
文獻無徵散處日多遺亡無算因是盡心研究皓首旁推據  
簿籍之所載與見聞之所及先將祥三房本支搜羅散佚攷  
正修輯彙爲一帙付余繼述余思叔父討論於前余安忍不  
修飾於後踵事增華又何嫌焉閒從舌耕之餘加意編摩仰



體先人創造之心俯念後嗣續承之道闕者補之遺者增之散者收之訛者正之瞭若列眉傳之後世可信可徵夫亦得所以尊祖敬宗收族之意也已稿成幸宗姪國佐字作楫捐貲鈔錄分送各房惜未能付梓惟願後之賢者仗義輸財因而鑄之相續不已則吾族家乘庶可永保勿替也夫

乾隆四年歲次己未三月望日十六世孫欽錫薰沐敬書

始刊宗譜序

周道親親凡尊祖敬宗睦族之道禮經史策具詳言之士庶之家有譜譜之宜修也所以清源流辨親疎派別支分以明一本之義宗法也蓋秉先王教也是故生者一有未紀則失



其人矣沒者一有未錄則失其墓矣歲時日月一有未校先  
後遂失其序矣以祖宗之心爲心者必大有不忍於此羅氏  
之刊茲譜也誠有所不得已者乎攷羅氏之先自唐季順惠  
侯初居桐廬值黃巢亂徙勾餘之江洲今其地名羅江昉於  
侯姓洵乎淵源有自矣越南宋時侯八世孫字元善者來家  
於虞之永豐里歷今七百餘年其間高曾之遞衍昭穆之遞  
承相繼爲譜稿以紀載而輯續之尙未有印譜焉同治丁卯  
羅子致堂與其族叔曦亭從兄韻樓懼異日之失攷也合力  
出資毅然任其事而底於成自始遷祖以下缺者補之略者  
詳之錯譌者訂正之付諸手民以爲傳信之書殆能敦收族



之誼以維歸厚之風者與今夫宗族者祖宗一人所自出也  
一人之身衍爲數千人數千人之身卽一人之身也以祖宗  
之身爲身則當以祖宗之心爲心一族之內俊秀者尊之象  
賢者也孝子悌弟義士節婦立身行道貽先人以令名者也  
有位者慶之大門閭者也富者衛之能克家者也貧者弱者  
孤者獨者鰥者寡者疾厄者患難者相與救助之賑給之祖  
若宗所不忍視者也不肖者教戒之懼辱其先也老者安之  
幼者慈之宗支賴以遞續者也使或隔膜相視嫌隙互生何  
以告無忝於身之所自出也虞邑風尙近古羅氏聚而居親  
愛尤篤喜相愛也憂相恤也急相救也美相成也忠厚之意



世世未替也覽是譜者自必嘗思此身爲祖宗之身此心無  
戾乎祖宗之心一族之內允若一體之相關庶不失所以作  
譜之意推而各親其親各族其族因以臻道一風同之盛斯  
尤宰斯土者之厚幸也夫

同治八年歲在己巳仲秋既望

知上虞縣事瀛海王嘉銓謹敘

先子有言萬物本乎天人本乎祖祖者始也人所自出卽姓  
氏所由分也姓以繫百世使不分氏以別後人使不紊繼繼  
繩繩元元本本能合千載下瞭如指掌譜之爲用大矣哉爰  
考羅氏系出顓頊由卷章至求言始以熊姓後封於羅遂以



爲氏若傳紀魯桓十二年楚人伐絞分師涉彭羅人欲伐是也夫稽世系於三代上大抵悉出同源至唐開元重編姓系錄於是氏族分明各祖其祖不可混淆矣若羅氏以唐之順惠侯爲始祖侯諱甫字令則隸籍江西登宣宗大中八年顏標榜進士洵陞兵部尙書以力諫宦官落職歸隱桐江因寇逼由睦徙明見勾餘之地四面皆江土地肥沃遂奠居焉集民人興教養戶口日繁咸沐其德鄉人因其姓而名之曰羅江立祠以祀之其後宋建炎間屢顯神異封嘉德侯元至正又封順惠侯迄今廟食勿替南宋時有諱元字元善者由羅江徙古虞之北鄉此卽順惠侯八世孫爲上虞之鼻祖也



年七百有餘傳世二十有五而無譜可稽後之人何由識所  
從來哉縱其閒有剏修續修者而簡而未當偏而不全終不  
克成其事今有志竟成如致堂購得舊稿而與族叔曦亭堂  
兄韻樓修明之以底於成是真能繼數十世未卒之業終數  
百年未竟之功者也余嘉其志且能志先人之志遂誌其緣  
起而爲之序

同治九年歲次庚午夏孟虞邑儒學教諭程翼雲拜序

且譜者普也謂世數周普也族者屬也謂端緒連屬也今人  
知族譜之當普而不知族譜之當屬操未續顛脈絡不貫則  
以意繫之枝峰蔓壑轉相鉤牽令疎親反不能令親親求諸



先王親睦之教豈有當哉羅氏係祝融之後妘姓受封於羅國子孫以國爲氏又望出長沙其散處番禺襄陽及豫章漢晉間代有聞人若指上螺紋斑斑可考至唐宣宗大中八年諱甫字介則登顏標榜進士拜起居郎轉翰林學士兼兵部尙書元封順惠侯由江西徙桐廬此羅氏遷浙之始廣明元年黃巢入寇陷睦遂挈眷渡江徙明州道出勾餘遂卜居焉其鄉有五十餘姓咸服其化後因侯之姓而改爲羅江至南宋侯之八世孫諱元字元善由羅江徙上虞北鄉三都永豐里遂籍上虞以元善公爲始祖何也遷上虞者自公始也迄今七百餘年相傳二十五世向無族譜其六世文仲公始輯



成之七世祁門訓導守拙公八世監察御史慎菴公相繼搜輯之十世公總公同鬱林州知州瑞登公並有增補十五世聞遠公十六世欽錫公詳載本支然皆存稿未付手民自是而後譜之不修又百餘年矣邇來其族中有需次貳井名寶塋號致堂者獲其先世譜稿凜然懼其久而墜軼也遂與其族叔明輝號曦亭暨堂兄寶鏞號韻樓提鉛握槩家到戶說集族人而續修之譜既成各捐橐中金鏤板以行余司鐸上虞致堂與余有岑苔之契造署請序閱其譜絲連珠貫葉布條分斜行旁上有表有傳世次明而昭穆辨不僅取裁良史抑與先王親睦之教且有合焉可不謂賢子孫乎矧致堂爲




人謙厚好行善於鄉里設歸安局收埋無主骸骨人皆推爲長者余觀羅之先累世纓紱不絕而致堂行事又如此其繼繼承承昌熾殆未有艾也余故應其請而爲之序

同治紀元日月會于壽星虞邑司訓清溪沈閩崑謹撰

人不可不尊祖尊祖必敬宗敬宗必收族收族則必立譜譜之所係重矣哉夫人同此心卽同此理凡與我有一本之親者卽與我有一家之誼而世遠代湮若漠不相關者多由其族之散處四方一分而不可復合遂舉本宗而途人之矣此無他無譜以維之也古虞羅氏系出唐之順惠侯諱甫字合則爲宣宗朝進士累官兵部尙書出自豫章後避黃巢難由



桐廬徙居慈谿之羅江八世孫諱元字元善者復徙虞之北  
鄉三都宗支繁衍文教遞承爲虞邑之望明永樂天順嘉靖  
閒譜載有序至秦東其人始氣其風氣也而樂  
本朝雖有增葺而僅紀小宗未能纂修統族譜系幾失考裔  
孫名振裕號錦標者有志收族慨然欲爲統譜乃未及舉行  
而不幸卒於滬因遺命三子寶塋寶善寶琛繼其志焉歲丁  
卯寶塋承父遺意與其族叔槐從兄寶鏞籌費三千金始克  
設局輯譜修世系立規條其大意以尊祖收族爲先而勸族  
以忠孝節義爲要可謂知本矣夫族之難收也屢經變故則  
昭穆易混如寒族柳莊公洪武初屯戍於滇滇浙兩地子孫





皆其所出

國初猶通譜系道光己丑石屏登進士者三人與蘭同年詢其宗牒則雖自知爲柳莊公後人奈自吳逆父子叛據後譜系失傳與我昭穆不可辨然則譜之所係不甚重哉羅氏之創茲譜也於其遷徙者必詳書其地記其時正其世次明其脈絡其於收族之道誼至厚也慮至深也非有尊祖敬宗之心者而能然耶蘭聞羅君寶堃號致堂者力行善事好施不倦與蘭有連蘭素重其人故於其屬序也而樂道之

同治八年歲次己巳桂秋月

賜進士及第前內閣學士安徽學政餘姚朱

蘭譔



今與史氏素爽夫人映文備文莊濶氣度其風神  
皇上御極之七年余始遊日下讀中秘書西抹東塗日不暇  
給而上虞羅氏譜事告竣任事諸公介余同年友蔣約夫馳  
函徵序余憶辛科獲解與羅君雲浦有同譜誼今任事諸君  
則曦亭致堂諸世丈暨韻樓年丈也余雖不敏安敢固辭爰  
卽其梗槩而跽次之謹案羅氏系出順惠侯令則公侯於唐  
季避黃巢亂從豫章遷桐廬再遷明州家焉時雖遭難流離  
塊然僑寄而行誼所孚鱗香景附其歿後精爽猶足享廟食  
而福粉榆非甚盛德曷克臻此宜其積厚流光緜延勿替也  
至侯之八世孫諱元者從明遷越而上虞羅氏於是昉焉南



宋迄今七百有餘歲矣其間詩禮相承簪纓遞嬗渡娥江而東稱望族者僉推羅氏此非特祖宗積累亦其後嗣子孫敬宗收族之誼有以保世而滋大耳今曦亭諸丈因先世譜系迭有輯稿未付手民願出囊橐圖壽棗梨歲累葉未竟之功作百世不刊之計俾後之繼起者得以踵事遞增不虞散佚甚盛舉也侯靈有知當亦遙望枌社快然於雲初之善繼也夫謹綴數語弁諸簡端爲當世敬宗收族者勸云

同治七年歲次戊辰七月中浣

賜進士出身翰林院庶吉士加一級蕭山蔡以瑞拜序

譜與史相表裏夫人知之譜之作難於史其所係重於史夫



人不知也夫國史放失不過軼已往之陳迹家譜不修則無以篤見存之宗支蓋敬宗收族莫善於譜無譜則一人之身散而爲途人而不知戚也無譜則眾人之身同出於一人而莫知尊也故譜系不明而民始散且薄矣此其所係重於史也國史之作具有成書可以考證而譜之作必其族屬之中世有賢者遞相纂述始克成編苟莫爲之前則雖博極羣籍而無可徵信故馬班自敘僅紀數世不能及遠林寶作元和姓纂而不知其祖所自出此其難於史者也羅氏自南宋時諱元者由羅江徙上虞北鄉永豐里迄今七百餘載傳二十五世矣其譜搆於六世孫文仲與宣與淵三君續修於七世



孫祁門訓導瑾暨子監察御史澄三修於十世孫鬱林州知  
州瑞登及族兄公總至今三百餘年族大支蕃舊稿幾佚同  
治乙丑族之賢者寶堃始得歷代譜稿爰議重修至丁卯春  
與族叔曦亭從兄韻樓各出重貲共成其事而屬余序其簡  
端余嘗讀王演嘉德廟記言慈谿西南孝順里有羅府君廟  
蓋唐廣明閒羅氏諱甫者自桐廬挈家避亂居此居人遂號  
其江曰羅江浦曰東羅浦西羅浦渡曰羅家渡君既沒作祠  
西羅浦之西以其子配宋建炎閒賜廟額曰嘉德凡旱澇疫  
癘禱必應上虞始祖元則羅府君八世孫也夫神明之胄其  
族必昌而寶堃諸君又能奠世系敘昭穆以成斯譜而歷代



譜稿足以爲之徵信忘其所難而知其所重吾知他日羅氏  
必能篤族誼謹家法處則耕田讀書出則尊主庇民蔚爲一  
邑之望而國史書之以爲美譚如萬石君鄭義門之流豈不  
懿哉爰不辭而爲之序

同治八年歲次己巳春三月 舉人黃巖王 榮謹敘  
事莫難於創始修輯宗牒何創乎爾姓有苑官有譜氏族有  
誌矣卽至相去久遠書缺有閒而網羅散失徵獻考文豈必  
無可因者曰因可因而實創不謂之難不可上虞永豐羅氏  
系出唐順惠侯令則公侯避黃巢亂由桐廬徙明州其遷虞  
始祖則侯之仍孫元善公也是時室宇麤定世系未詳洎乎



六世慨創草譜後因而續之以至十六世其閒隨時增益皆有存稿而卒未付諸梓蓋事之難成也如此自是以來又十餘世矣族愈繁派愈分散處愈多而脫略愈眾加之中遭兵燹叢殘剝蝕又居大半有心者懼焉同治四年余友羅君寶塋字致堂者瞿然興曰祖有美而失之忘德也人有祖而誣之忘本也昭穆不明尊卑易序非所以收族也前人有志而後人弗繼非所以敬宗也乃遍求譜稿易以重金而其族叔曦亭從兄韻樓聞有此舉踴躍後先遂解囊助資以旣厥事夫事之不幸者莫如出於久遠而傳乎二說昔人援考亭爲祖儒者譏之文文山責莆中蔡氏詭祖君謨吾以爲孝子慈



孫必不忍心若是特以舊說相因不慎不詳致有此失耳今  
余聞羅氏之修譜也繁者理之分者聚之散處者周諮之脫  
略者求補之又且審異別同辨歧正誤其詳且慎何如哉既  
歷五稔乃付手民俾累世欲建之功權輿於此可謂創舉矣  
創而有成可謂難矣余識羅君致堂有年素重其克創義舉  
故於其索譜序也而樂道之且以見事無難易惟人所爲彼  
由一家而推之一國推之天下者亦存乎其人哉  
同治八年仲夏之月餘姚拔貢生候選知縣蔣崇禮撰  
家之有譜猶國之有史也作史難作譜亦不易作史者大書  
特書紀事必提其要作譜者上治下治收族務極其詳故史



之義苟無關於勸懲尙可待後人之筆削而譜之體或有失於敘次何以正先世之源流况族大支蕃若者寔昌若者中落若者仆而復起若者榮而乍枯門祚之盛衰即可徵德量之厚薄敘次之中勸懲亦寓是譜例猶史例也作之者可不謹與吾虞羅氏北鄉望族也其先順惠侯由桐廬徙明州生而爲英死而爲靈其事實詳載廟額無庸贅述至八世孫元善公自慈谿羅江卜居於虞之永豐里遂爲遷虞始祖二十餘世長發其祥科第簪纓迄今不絕意其祖功宗德必有導揚其先人之美而明著之後嗣者乃詢其譜牒雖歷代各有葺續然祇存稿本未遑刊刻而其詳不可得聞蓋自南宋以



來七百有餘歲矣非有人焉起而修明之則代遠年湮沿訛襲謬子孫等桑柳之寄生兄弟類榆槐之強合不將數典而忘其祖乎致堂表弟素稱好義士且思敦本之道睦族爲先乙丑歲購得歷代譜稿彙而存之志在修輯抑何壯也然以數十百年之事百千族屬之繁詳求博攷以一人獨綜其成其能不彛以糅乎其能循流溯源不遺不漏乎其能支分派別朗若列眉使昭穆子姓人齊其口不相訾嗾乎因商諸族中賢哲得曦亭韻樓諸公同聲相應慷慨捐貲分襄其事竭三年之心力薈萃成書開局付梓使世表系圖若網在綱有條不紊吾知羅氏子孫觀於此者孝弟之心可以油然而生矣



夫續舊增新述者之事也而能成歷代未成之事光前烈而裕後昆則功大於作矣不亦偉與致翁惠篤宗支金能布地好行善事福自申天觀於振振公子慶協多男將來必有興者况分校諸君類皆蜚聲庠序大器不凡行看入翰林登詞館操簡秉牘雍容揄揚爲一朝大手筆雖作史不難而作譜特其嚆矢也輝於羅氏大母外族嘗聞諸先君曰舅祖魯東公績學力行夙有修譜之志及名貢成均享年不永賈志以歿今聞譜成不禁歡喜雀躍曲踴三百雖不文綴數語以識之

同治七年季秋丙午科舉人揀發知縣同邑劉煇撰



吾族自始祖元善公由慈谿羅江遷居上虞永豐鄉創業開  
基承先啓後迄今七百餘年相繼二十五世詩禮遞傳簪纓  
不絕人煙稠密子姓繁多虞北稱望族者僉推羅氏爲最然  
族大無統雖盛勿傳支蕃無紀雖美勿彰故廬陵眉山二公  
創立譜法我六世祖文仲公因之而羅氏之譜以傳蓋譜者  
補也上之則追源溯本表前人之功德下之則別派分支定  
後世之尊卑無譜則功德淪湮而莫知闡也無譜則尊卑踰  
越而莫能辨也昭穆混淆世次蒙昧其奚以正人心維風俗  
使家政通於國政耶古人作春秋有曰一字之褒榮於華袞  
一字之貶嚴於斧鉞吾以爲作譜亦然然則譜之所係不綦



重與自文仲公以後代相輯續至

本朝無人纂修是以支派遺脫世次蒙混甚至五服之親視同秦越一本之屬邈不往來余念及此不勝悼嘆幸有族再姪寶堃號致堂慷慨創議謀葺宗譜又得再姪孫小圃恣懇其間力爲獎勸於是族姪曦亭族再姪韻樓踴躍爭先同心仗義與致堂各捐囊金千貫集爲三千以作經費設局興事延族中賢士及倪君晉山分司其任姚江戴雲門先生爲之總裁并邀各支長搜羅散佚查核根由各將名號配氏生卒年月墓葬朝向開明交局分別增補繕寫校對稿竟付梓裝訂成帙統七百餘年之事業如在目前聯幾千百家之人丁



如在指掌散之則萬殊合之則一本令後人閱之功德得以  
闡尊卑得以辨昭穆得以序世次得以明善者以勸惡者以  
懲是家史卽國史也此其功豈淺鮮哉余年逾七旬忝爲宗  
長耄矣無能而後輩英年屢建義舉今又創造宗譜深幸羅  
氏之猶有人也因喜而爲之序  
同治九年歲次庚午孟夏之月  
夫譜不難於述而難於作然以數百年不修之譜而欲述之  
則其功更難於作其世遠淵源不能悉其年湮世次不能辨  
其祚蕃支派不能理而又遷徙異地者十之二三脫落無稽



者十之四五以此而欲悉其淵源辨其世次理其支派查其  
遷徙續其脫落彙而訂之由一本而推之萬殊由萬殊而溯  
之一本豈不難哉豈不難哉吾族自南宋時元善公遷居是  
鄉迄今七百餘年舊譜早失於宋季之兵燹至明初六世祖  
與宣公輩始剝譜稿厥後相繼而接續者代有其人然祇以  
草譜相傳又至明嘉靖閒而止後雖閒有輯續亦僅載本支  
而不及旁支僅詳小宗而不統大宗則吾族之統譜蓋自明  
季迄今悠悠忽忽遷延而不繼續者實有三百餘年矣今復  
不續舊增新而印造之則目前各支的脈直等爲秦越而揆  
諸尊祖敬宗收族之義安在哉吾族弟致堂好義士也而於







之舛訛者正之忠臣孝子節婦義士則道揚之生卒墓葬及  
遷徙各方者則註明之有可考者著其實無可查者闕其疑  
歷幾寒暑而譜始成付諸手民昭示來許此豈煦之力哉吾  
祖若宗默相呵護之靈也曦亭諸公捐資成美之功也分校  
諸君和衷共濟之勞也煦何力之有焉雖然今之望後亦猶  
昔之望今今之述於此終矣而後之述又於此始焉惟願吾  
族賢才輩出或二十年一續或三十年一修繼繼承承相續  
不已則吾族之譜庶可永保勿替歷久彌新也夫

同治七年歲次戊辰菊月 二十世孫寶煦薰沐敬書

鏞自卅角游申略識之無深慚謫陋凡宗族之事有先君奉



政公在未嘗與也奉政公幼年失怙家徒壁立躬耕自給弱冠後母張太宜人始歸親操井曰勤儉持家撫吾兄弟成人比及古稀家業稍振乃邀同志修葺社廟宗祠以餘力施棺掩骼周卹鄰里見鬻身者亟解囊助之一日鏞省親回籍以有事服勞之意請慨然曰汝在滬貿易僅可自持何能他顧如有餘蓄當無忘承先啓後事吾族中向無譜系恐代遠年湮無從稽考予老矣有志未逮願汝輩繼而述之鏞唯唯而退未之能也乙丑秋鏞三子瑞璋倖列賢書爾時二老在堂年皆八十有奇親見璋孫舉於鄉稍慰平昔期勸之願因復諭鏞曰科目之來無非世德汝果有志當以輯譜爲先鏞奉



命商之同族適從弟致堂藏有譜稿蓄志已久族叔曦亭亦有同志於是三人議定各捐金作修輯費延族兄味園先生主司譜稿族弟柳江倪君晉山及族再姪夢山共襄其事奈未及草創而味園先生遽歿乃延姚江戴雲門先生代理其事設局採訪詳爲釐訂不數年宗譜告成嗟我先君已不及見矣因敬誌其緣起以示後嗣子孫云

同治庚午歲仲夏之月 曾孫寶鏞謹述

二十世孫寶鏞謹述

凡物莫不有譜自書畫琴棋以及花石茶果好古之士必爲之溯其源別其派考其時地訂其瑕瑜以品題其間而物之精神乃出顧余嘗好之而未暇汲汲於是者以是特格物之



一端而非修身齊家之事也烏乎用吾譜後得劉子念臺人  
譜一書而始知吾身之譜其精微廣大如此最後得廬陵眉  
山二公所作家譜明世次辨親疏正源流寓褒貶而益知吾  
家之譜若是其詳且盡也殆與人譜相爲表裏者歟堃不幸  
髫年失怙未及憶先君子嘉言懿行第遺命作譜之語堃自  
幼識之不敢忘案羅氏自文仲公等創譜公總公瑞登公修  
之迄今又三百餘年舊譜散佚支派繁衍無從接續堃大懼  
不克負荷先人之託夙夜遑遑悉心探索者蓋數十年於茲  
矣歲乙丑有族人持譜求售余閱之乃公總公瑞登公舊本  
不勝驚喜以重貲易之嗟乎二百年前之舊物不致沒於兵



爽之餘豈非吾祖在天之靈陰爲佑相俾羅氏子孫不至相  
視如塗人耶抑吾先君子作譜之志精誠所格不入於他人  
之手耶乃於丁卯之春與族叔曦亭族兄韻樓議爲此舉謀  
於族之賢者得味園柳江小圃諸人一倡百和或司系圖或  
司藝文或司採訪和衷交贊克襄斯事延戴君雲門總裁之  
倪君晉山亦與有力焉然失修已久族屬又盛而脫落甚多  
考訂爲難乃搜各處祖堂及各房歷代祭簿一切故籍殘編  
并往各邑羅氏採訪悉心研究參互考證始得集事凡四易  
稿而成經始於丁卯之三月蕙事於庚午之九月付諸梨棗  
裝訂成帙而先君子之志乃成塋滋慰矣雖然非曦亭韻樓



諸公交贊其事曷克臻此披覽之下有圖有傳可信可徵爲  
之正其本焉若譜物者之溯其源也爲之分其支焉若譜物  
者之別其派也誌其墓葬載其遷徙書其生卒若譜物者之  
紀其時詳其地也同者合之異者外之善者揚之惡者隱之  
若譜物者之錄其瑜棄其瑕也尋源窮委脈絡分明統八百  
年之祖孫父子合數千家之男女長幼恍若坐諸一堂或位  
乎上或位乎下或在左或在右而世次以明親疏以辨源流  
以正褒貶以寓嗟乎觀是譜者孝弟之心有不油然而生哉  
雖然家譜一書爲尊祖睦族而作而所以齊家之道猶不在  
是是當求諸人譜之書息心考驗身體力行正其心以及其



身而後家之齊可坐而致雖極之平治不難此人譜之所以  
與家譜相表裏也塋蓋有志焉而未之逮也若夫好古之士  
於書畫琴棋花石茶果之類竭終身之精力以譜之舍其大  
而務其細略其近而圖其遠曾無補於根本之地也烏在其  
爲譜哉書成綴數語於簡端以誌塋奉命作譜之意併示後  
嗣子孫俾不忘本本水源之一助云爾

同治九年歲次庚午季秋之月二十世孫寶塋謹識

丁卯之春先君與族兄韻樓致堂始輯宗譜明年先君卒越  
三年譜成諸兄以先君未有言命燾書一言以附簡端燾惟  
羅氏之淵源脈絡與譜中之條例章程諸君序中已詳哉其



言之矣燾奚庸復贅爲獨是吾先君作譜之志與命燾繼述  
之心實勤勤焉而乃不獲目覩其成此則不肖之所戚戚然  
於中者也燾用是泣而誌之先君服賈申江孝養先大母垂  
四十年凡羅氏族人之在申者患相恤也病相扶也蓋敦本  
睦族之誼其素性然也嘗與先伯父宗岳公錦標公言及羅  
氏之譜不修者殆三百餘年輒慨然太息思欲葺而鐫之二  
公亦以爲然顧自以力單不克勝任而奔走衣食又鮮可共  
事者且遍索前代舊稿不得遂不果二公因各囑其子韻樓  
致堂以爲異日券及燾長就塾讀書先君語之曰國有史家  
有譜一也小子識之曰譜可作乎曰嘻夫譜者所以正源流



序昭穆而別尊卑者也其敘事也簡其取義也嚴其定例也當羅氏年湮多佚族且蕃必兼學與才與識者任之又襄之以強有力者非是則不能蕝厥事焉燾繇是知譜之重而作譜之難也洎先君自申歸理家政以囊有餘資決欲爲譜而是時錦標公已歿先君乃與致堂商之適致堂以重貲購得譜稿謀欲舉事韻樓亦奉父命來商議遂定籌款設局延姚江戴雲門先生倪君晉山并族中賢達及燾分司其任致堂總理譜政纔及一週而先君疾革旣彌留顧謂燾曰吾不及見譜之成矣汝能無忘乃父之志吾死亦何憾燾泣而對曰唯唯不敢忘言訖而逝嗚呼痛哉旣殯迺服緘入局辦事凡



編纂校讐謄錄悉遵先君命惟謹越庚午譜成哀然成帙披閱之下泣然流涕曰此先君志也今幸告成事而先君安在哉嗟乎以數百年未蕝之功而先君與伯父創之以先君伯父未竟之業而韻樓與致堂述之則韻樓致堂之事卽先君伯父之事也古人所謂不得之於身必得之於子者歟夫以韻樓致堂之力之才其設施正未可限量吾知族中諸義舉當有依次而興起者燾不敏不克負荷先人之業然安敢不拮据從事以敬隨諸兄之後迺復於韻樓致堂而爲之記

同治庚午四月

羅君韻樓性至篤厚自幼習計然書客於滬瀆以勤幹稱尊



甫奉政公宗岳先生家居好施與有貧乏者以時俟助其糶  
修祠宇尤著聲里中平日致書韻樓必諄諄然以爲善最樂  
相勸韻樓生丈夫子五名瑞璋字雲浦者劬於學中乙丑鄉  
試副車時韻樓歸省奉政公顧而色喜曰好施本非求報而  
天道福善理固如是吾年衰邁責望在汝吾家向無宗譜恐  
年久支派紊亂此根本事汝力行之韻樓聞命卽謀諸族叔  
曦亭堂弟致堂各出貲千貫爲鋟板費至采訪纂輯亦分任  
焉今奉政公已歸道山而譜則袞然成冊矣韻樓以此仰慰  
先人豈非其篤厚勤幹之一證歟客夏余自山右南旋雲浦  
執贄問業論文之暇出是譜示余余得備悉其家箴故樂綴



數言以美之

同治九年歲次庚午仲夏上浣略圖詳鄞縣張家驤跋

系圖以明其脈絡綴小傳以敘其生平令人展卷

一家譜之法同於國史古人作譜褒貶兼行近世宗譜用褒而

不用貶亦春秋諱尊親之義也乃或徒事鋪張濫用褒語校


其生平毫不相符殊非春秋予奪之旨茲俟其人蓋棺之後

其生前行誼果協鄉評即於小傳中略綴數語不敢隱亦不

敢濫若其功績多難行懋圖中不克備載則有大傳以傳之

并錄其行狀碑誥墓誌一以表揚先德一以垂示後昆庶幾

史與家史相為表裏庶幾大乎春秋之義也





修詞字之清聲早平日致書韻樓必詳詳然

相聞韻樓生丈夫子五名瑞璋字雲浦者勸於

試副車時韻樓歸省奉政及願而已喜曰好施本非求報而

天道福善理固如是吾年衰邁責望在汝吾家尚無宗謂君

年久支派紊亂此根本事汝力行之韻樓聞命即謀諸族叔

議亭堂弟致堂各出貲千貫為鉅板費至采訪纂輯亦分任

焉今奉政公已歸道山而譜則蕪然成冊矣韻樓以此仰獻

嗣尚此幸茲夫與子時夏土齒歎客百羅瀝瀝寒颯颯雲浦

樓言以美之而文之暇出是請示余余得備悉其家統故樂綴





書法

悉仍舊例

一譜式昉於歐蘇歐略傳詳圖蘇略圖詳傳二法兼之始備立系圖以明其脈絡綴小傳以敘其生平令人展卷了然

一家譜之法同於國史古人作譜褒貶並行近世宗譜用褒而不用貶亦春秋諱尊親之義也乃或徒事鋪張濫用褒語核其生平毫不相符殊非春秋予奪之旨茲俟其人蓋棺之後其生前行誼果協鄉評卽於小傳中略綴數語不敢隱亦不敢濫若其功績多德行懋圖中不克備載則有大傳以傳之并錄其行狀碑記誌銘一以表揚先德一以垂示後昆庶國史與家史相爲表裏無失乎春秋謹嚴之意也



一譜首嚴支派支派紊則散亂無紀奚以辨昭穆而別親疎耶  
吾族自元善公起至四世分爲四大支曰祥一祥二祥三祥  
四至六世分爲九支六世以後以十與五爲分支之祖每於  
圖首提明某公支某公派令人易於查檢

一譜系五世一提取五服相親之義也如一世起依次掛線至  
五世爲一章豎線紀世橫線紀行次以六世另起至十世又  
爲一章後俱仿此每逢提起一世註明某之第幾子若繼子  
註明某之繼子是承上起下之意

一譜圖有書行者有書名者舊譜多書行不書名茲因前此族  
無統行不能劃一故書其名惟名字無查者不得已書行其



有可稽者則書名而注其行於後

一譜中小傳先書行序昭穆也次書字書號詳其人也次書爵  
辨貴賤也次書事辨賢也次書配重伉儷也次書子重嗣續  
也次書女重所歸也次書生卒重祭享也次書葬地重拜掃  
也次書遷徙望其歸本籍并日後有所考也

一譜內支派脫落者無算未必其盡絕也或寄籍他省多年或  
流寓遠方數世在此不及徧查在彼不知歸認故無可接續  
茲照舊譜所載其無從查考者下書無考二字若確知其無  
子者則書無嗣無子而不立繼者書止字明知其遷居某邑  
某鄉者則書徙住某處在外未久者則書現居某處



一凡子女十歲左右死者書殤廿歲左右死者書歿俱於父名下註明不必掛線若已娶室者無論長幼另立系圖至現存之人即未經娶室亦立系圖

一母以子貴故所生之子各繫於生母之下有子者書生幾子無子而有女者書生幾女生而不育者亦書之無生育者書無出

一凡外戚有可查者則詳書其里居姓名并敘其職銜異途不敘使後世有所考證無可查者妻書配某氏女書適某姓并姓無可稽者配則空一字以俟補書女則書適無考

一凡立繼則書以某之第幾子某人繼為嗣於本生父名下則



先後書以第幾子某出繼與某爲嗣正昭穆別支派也

一凡以異姓爲後者祇於父名下書其姓名其本身系圖另入補遺杜其異姓亂宗也若與外姓爲後者亦於父名下書寄

籍某地某姓某人爲子其系圖亦入補遺望其異日歸宗也至族中有不肖子弟不守宗規經房族公議革族者本不得載入譜內緣異日後嗣克蓋前愆並經本房房長保舉准其開復還宗故亦載入補遺以便日後稽查

一凡婦人夫死改嫁者譜內註再醮二字若攜子同去者註其子之名并詳書某地某姓嗣後長大歸宗可以稽查  
一凡祖宗之諱號配氏及生卒年月日時墓葬地名朝向確有







先後纂修人名錄

始葺

明永樂十一年

祥二房六世孫與宣

祥三房六世孫與淵

祥四房六世孫文仲

祥四房七世孫懷瑾

續修

明天順八年

祥四房八世孫澄

祥二房九世孫處順

三修

明嘉靖二十三年





祥一房十世孫瑞登

祥三房十世孫公總

續修祥三房本支 雍正八年  
乾隆四年

十五世孫聞遠

十六世孫欽錫

續四修始刊 同治九年

監修宗長祥一房十八世孫以仁

支長祥一房十八世孫宗元

支長祥二房十八世孫惠發

支長祥三房十八世孫作球





支長祥四房十八世孫雅章

主修 祥二房十九世孫宗岳

主修 祥四房十九世孫恩槐

協修 祥二房二十世孫寶堃

總理 祥三房二十世孫寶森

總理 祥四房二十世孫寶鏞

總理 祥四房二十世孫寶堃

總理 祥四房二十世孫燾

協理 祥三房二十世孫寶煦

協理 祥二房二十一世孫 沼





校正

祥三房二十世孫寶煦

祥四房二十世孫 炘

祥二房二十二世孫慶榆

採訪

祥四房十九世孫國秀

祥四房十九世孫鴻壽

聯

祥三房二十世孫祺受

隆

祥二房二十世孫聲溢

文


祥四房二十世孫思述

主

祥二房二十一世孫孔安

支

祥四房二十一世孫德元





祥二房二十一世孫文瑤

外五五修續刊

主修 宗長祥二房十九世孫悅蘭

協修 支長祥一房十九世孫五八

支長祥二房十九世孫炳運

支長祥三房二十世孫春升

支長祥四房十九世孫元清

總理 祥三房二十二世孫繼傳

協理 祥四房二十一世孫榜彥

祥二房二十二世孫坤祥





祥二房二十二世孫以梧

祥一房二十三世孫振玉

祥一房二十三世孫振方

採訪

祥四房二十世孫載坤

祥四房二十世孫祖培

祥三房二十二世孫東陽

祥二房二十三世孫慎林

祥二房二十四世孫鶴千

校正

祥三房二十三世孫廷瑚





源流

羅氏源流記

昔唐太宗定天下譜牒退新門進舊望左膏梁右寒畯合一  
百九十三姓千六百五十一家而羅氏得與首稱考羅氏之  
先出於高辛氏火正祝融名吳回帝顓頊高陽之孫也其後  
裔爲妘姓封於羅子孫以國爲氏而羅之姓由此昉焉在昔  
伏羲之前有祝融氏生都於鄩沒葬衡山之陽其時天下洽  
和萬物咸若祝融聽弇州之鳴鳥以爲樂歌諧神明而和人  
聲以火施化號曰赤帝後世火官因以爲號此上古之祝融  
也迨有熊氏興有神農之裔曰祝融爲黃帝六相之一劉恕



外紀云黃帝得六相其一祝融辨乎南方故為司徒考綱鑑

註祝融生術鬻術鬻生勾龍為顓頊后土勾龍生垂為堯其

工當作舜垂生伯夷為秩宗即四岳封於呂其後呂尙佐周

封於齊此黃帝六相之祝融呂氏姜氏祖之而非黃帝後之

祝融也考歷代帝王世系黃帝生昌意昌意生顓頊是為高

陽氏先娶鄒屠氏生八愷繼娶勝潰氏生卷章國語註卷章

生黎及吳回黎為火正曰祝融楚語所謂命北正黎司地以

屬民是也據此則祝融乃黃帝之裔顓頊之孫實吾羅氏之

鼻祖也又考史記顓頊生稱稱生卷章卷章生重黎重黎為

帝嚳高辛居火正甚有功能光融天下命之曰祝融後其弟



吳回復居火正為祝融

國語註傳曰吳回為黎黎火正也

回生陸終

宋氏源流作回生繼

繼生

陸終生子六人坼剖而產焉復考國語祝融之後分八

姓韋昭註云陸終四子求言為妘姓

史記陸終四子作會人

封於郟卽

國風之檜國是也居溱洧之間周衰為鄭所滅而遷國於羅

或曰周初封郟於羅左傳杜註作熊姓

子孫因以為氏居襄陽之宜城繼徙南郡

之枝江周末徙於長沙此祝融後為羅氏之始也至秦武陵

令羅君用督運官鐵溺洞庭遺孤珠字懷漢仕漢高為治粟

內史尋拜相國大司農奉命守九江時郡人章文

一作章文獻地

遂與穎陰侯灌嬰度地築城環十里闢六門城成遂家於豫

章溝而羅氏於是乎有豫章之名嗣後簪纓弗替閎閎相傳



晉唐以來支派蔓衍星羅棋布子姓之散處四方者不可勝  
紀皆基於豫章大司農公一人之自出而我祖一支則由豫  
章發脈繼遷慈谿繼遷上虞其遷慈谿者爲唐之順惠侯遷  
上虞者爲宋之元善公脈絡源委業已詳載譜中其足徵信  
於後世也無疑矣嗟乎天下之人孰非大姓之苗裔哉然或  
求其說而不得則往往穿鑿附會以私意聯貫其閒是傳信  
而反以滋疑也可乎哉閒論上古之世與天道近故金木水  
火土各有專司而吾羅氏系出祝融爲火正實能昭顯天地  
之光明以生柔嘉材至豫章懷漢公又能洗苛剔弊寬稅足  
民晚年隱蹟樂道而順惠侯避地明州則又教稼穡敦禮讓



化行鄉里沒而爲神其德澤之深厚如此昔魯大夫臧文仲  
有言曰聖人有明德者若不當位其後必有達人周大夫史  
伯有曰夫成天地之大功者其子孫未嘗不章以是知羅氏  
之脈脈延延歷久寢昌以垂休於千萬禩者皆吾祖若宗之  
遺澤孔長也非甚盛德其孰能與於此哉故自順惠侯以上  
代遠年湮世紀莫可得而詳其順惠侯以下八世則據羅江  
嘉德堂宗譜系圖列於卷首以備考證而遷虞以後世系則  
六世祖文仲公等創之於前十世祖公總公瑞登公繼之於  
後支派脈絡確鑿無疑故據舊譜之所紀者續其世系以爲  
徵信之書則斷自元善公始







之廟蓋所以崇本而追源也士庶之禮雖不同而崇本追源之心則一故作譜者必親歷夫始祖所自出之地推本於自出之始祖而後本可崇源可追苟非親至其地而切究之鮮有不失之誣者矣我羅氏始祖元善公遷居於虞已歷七百餘年據先世所說始祖之自出或祖畸公或祖隱公議論紛紛各無定見至十世祖公總公瑞登公續譜序云我始祖系出慈谿羅江順惠侯八府君也其說鑿鑿似無容擬議然前世祇有草譜今欲爲始刊之舉則必證以羅江之譜而其說始確乃於丁卯冬十月十八日稟明族叔曦亭邀族兄味園族弟柳江族姪孫夢山五人同往羅江先訪餘姚各處羅氏



至南城羅立本家問其世系則曰由羅江分居石門由石門  
分居燕窠由燕窠分居城中則亦順惠侯之後也惜譜在燕  
窠不及檢次日抵匡堰至羅守誠家閱其譜以萬九公爲遷  
姚始祖自會稽雲門來祖文弼公而不祖羅江順惠侯則與  
虞之羅異派矣卽日放棹至埋馬村往東四竈九齡叔祖家  
詢及宗譜卽檢出埋馬明德堂印譜一帙又檢出慈谿嘉德  
堂印譜一帙遂一并攜至舟中息心細考先查埋馬印譜係  
順惠侯九世孫萬八公爲始祖而我祖一支不載也及考慈  
谿嘉德堂印譜逐支細查則我元始祖果係順惠侯八世孫  
行百十徙居上虞與公總公瑞登公兩序若合符節而說始



確矣次日抵慈邑羅江至族董伯瑜家詢其印譜無存祇有  
草譜展視之與嘉德堂印譜無異則說益確矣遂至西羅橋  
嘉德廟謁順惠侯像五人各具衣冠拈香參拜其左二世祖  
昌功伯伏公其右三世祖金吾將軍仁紹公依次焚香拜畢  
然後詣祠堂謁祖隨詣市中二賢祠謁仲舒公張孝子像復  
至伯瑜家中細排世次伊亞予等兩輩查考已明淵源已悉  
至晚放棹而歸抵家已歷五六日矣由是而知與虞異派者  
惟匡堰之羅此外如羅江石門燕窠姚城慈城等支皆侯之  
裔與我族同祖好勇公也埋馬一支尤較近與我族同祖立  
恥公也嗟乎數百年之疑案一旦頓消數十世之源流一朝



盡悉向非躬歷其地日觀其譜焉能如此之確鑿哉故將慈  
 谿嘉德堂譜系依樣謄抄十世冠於譜首以明始祖之出有  
 自不過欲窮本追源盡子孫之孝思猶導河積石之意耳故  
 特據實書之

世前錄於中略輯世系於二十世孫寶

鏞謹識

附錄羅江分居各處支派備考

始祖順惠侯遷居羅江至四世祖好勇公生六斯男而族始  
 盛宅分東西前後新舊自是而後散處各方紛紛不一立德  
 公支分居白馬隩口此繼隱公支下也立禮公支分居東宅  
 朱村隩坊前學前水缺口宣差堂慈城中及鄞城定海等處



立恥公支分居西羅橋西姚邑埋馬村東四竈及我上虞永  
豐鄉等處立節公支分居竹林橋西立信公支至三世而絕  
立道公支分居西宅謝墅橋張家渡姚邑匡堰石門燕窠南  
城中及臨安奉化等處此五支皆係伏公支下也  
又查燕窠家譜始祖順惠侯八府君誤書萬八府君及觀姚  
城宗祠內順惠侯牌位亦如此誤刊蓋由家譜誤牌位亦因  
之而誤不知萬八府君乃順惠侯九世孫之行何得混淆若  
此其弊實由於作譜時未曾考閱慈谿羅江宗譜故也故附  
記於此以示來者

赴上江查訪源流記



余始祖元善公之自出業於丁卯冬五人親赴羅江查考已  
確前記載之詳矣而族弟致堂謂我鼻祖順惠侯由睦之桐  
廬遷居慈谿羅江其來脈根由猶未洞悉苟僅溯羅江而不  
溯羅江之自出是猶導河積石而不探源於星宿海也且前  
此所查僅在虞之東偏而虞西一帶如上江杭越等處羅之  
星羅而棋布者何可勝數其閒同異若何昭穆若何遷徙若  
何往桐廬以溯其源訪杭越以別其流使各處羅氏之脈絡  
瞭如指掌不更善耶乃委族姪孫夢山與余偕赴上江兼訪  
杭越於端月十九日由局起程至二十四日始到桐廬之舊  
縣耽擱聚成行中與主人聚談知是同宗名較字際雲號子



龍余問其族曰曩昔頗盛兵燹後所存者祇此一家耳復詢其支子龍檢出印譜一帙陳几上展玩之其始祖係文弼公不書官爵里居時代傳至千三宣議徙居新城之銅阬子萬一由銅阬遷桐廬之浪里是爲閩苑始祖至七世仲甯贅居桐廬之舊縣是爲舊縣始祖余乃同夢山細查並不載羅江一支又無順惠侯名號是桐廬之羅顯然與羅江異派非復唐時本支而順惠侯之源未能窮也但始祖文弼公究係何時何地何官據彥溫公譜序云文弼公值五季之亂不入仕版是與隱公同時查桐廬之羅由新城分出則欲攷文弼公之源委必須更查新城之譜乃告別於子龍偕夢山同往至



二十八日始到新城訪得西城人姓羅字子晦名蕙生邑庠生余卽詣其家請譜子晦引余至伊宗號希曾者亦邑庠生取譜閱之以隱公十二世孫六一節幹爲西城始祖不載文弼公名號余囑夢山錄其系圖記序又詢其各處支派子晦曰新城之羅俱屬隱公本支東門外清里村是其舊宅隱公之遺蹟猶在觀其譜可知也余乃與夢山之清里謁隱公祠焚香下拜次謁族中長老請譜閱之係隱公之曾祖僊公爲遷新始祖祖曰知微父曰修古亦不載文弼公名號夢山乃仍錄其系圖記序復考銅阬等支俱從清里遷出譜內註明無庸往查據此則新城之羅不但與羅江異派并與桐廬異



派而順惠侯之源愈不可窮矣惟越中各處羅氏尙未確查因憶前明吾宗白水公曾與僉塘羅文懿公通譜其語詳載白水公壽序并文懿公孫元賓公所作譜序內乃偕夢山渡江訪浙東各處羅氏於初四日至徐山時訂庭先生在京邸伊弟錫芝羅氏之經董也踵門謁之問其譜祇有草譜細觀之以仲廿二公爲始祖至十六世由僉塘遷居徐山而杜浦破蕩畝等處均一派也核其世系亦不甚確返舟抵紹城欲向雲門往訪聞雲門經兵燹後零落不堪譜無存焉不果往相傳爲文弼公後云乃於初五早晨往僉塘謁祠拜祖詢其族祇數十家均業農譜亦不存查其牌位亦以仲廿二公爲



始祖觀所撰聯額則由吉水遷羅村由羅村遷倉塘祠堂祭  
產俱由文懿公萬化置據此則越中羅氏俱係仲廿二公之  
後與慈邑之羅回耶異耶俱未可知而順惠侯之源終不可  
窮矣乃偕夢山泛舟而歸至初六日抵局事歷半月尋源不  
獲不敢效張騫誑說謹以夢山所錄各處世系呈致堂并詳  
道其事致堂以爲羅之散處者雖未徧歷而羅之聚族者無  
不確查順惠侯之來源雖不能窮而爲順惠侯尋源之心已  
盡且某處係某公之支某處係某公之派某處之譜如此某  
處之譜如彼一一採錄昭示來許使後世有所考證亦未始  
非此行冒風雨費跋涉不憚勞不辭遠實心查考之功也當




作記以著之余迺備述顛末而爲之記

二十世孫寶煦謹誌

浙屬羅氏分派說

溯羅氏自周初受封於羅以國爲氏周末居長沙漢居豫章  
是時浙之東西尙未有羅氏也迨唐僊公爲新登令家於甌  
江而浙西於是有羅氏矣唐末兵部尙書令則公由睦避難  
徙明州家於蘆江而浙東於是有羅氏矣厥後宋室南遷士  
大夫扈蹕渡江於是乎支派蔓衍而江右之羅咸萃於浙蓋  
莫能紀其數云茲據各處譜中所載源流并身所親歷之處  
參互考訂別異辨同略其遠而徵其近如杭嚴甯紹一帶約





有四大支慈溪羅江支則唐合則公出也新城清里支則唐

隱公出也會稽雲門支則五代時文弼公出也會稽倉塘支

則宋仲廿二公出也嗣後星羅棋布散居各方者俱不外乎

四祖之所自出合則公支發源於慈谿羅江廣明元年黃巢陷睦由桐廬避難而

來而鄞縣定海臨安奉化餘姚各鄉及我上虞永豐鄉并慈

邑城鄉等處皆其分派也隱公支發源於新城清里考清里譜隱公

之曾祖僊公為新登合即今新城也而桐廬餘杭錢塘於潛及新城之蓼源銅

阬西城等處則皆其分派也文弼公支發源於會稽雲門文弼

公係江右人即崎公從彥公之曾祖也其裔孫名希呂同子廿二朝奉名憲章扈駕南渡居會稽雲門而桐廬之浪

里舊縣及餘姚之匡堰等處則皆其分派也文弼公後裔在江右者甚多此



第就浙江仲廿二公亦南渡言之耳仲廿二公亦南渡仲廿二公支發源於會稽倫塘時人其來歷未詳柯

橋徐山杜浦破蕩畷等處則皆其分派也其他散處羅氏雖未能盡悉總之不外乎四支者近是查各邑羅氏之譜支派不無混淆世次不無互異如羅江譜載令則公長子名隱居餘杭今之新城古通稱餘杭是清里之羅與羅江同是一家人也及閱清里之譜則書隱公祖名知微父名修古與羅江判然不同清里譜明書銅阬等支俱從清里遷出及閱桐廬舊縣之譜書千三宣議徙居銅阬由銅阬轉徙舊縣查清里譜固有千三等行乃清里祖隱公而舊縣則祖文弼公匡堰之始祖曰萬九埋馬之始祖曰萬八其行近其地近其遷居



之時亦近是萬九係萬八之弟乃匡堰祖文弼公而埋馬則祖令則公此源流混淆舛訛之甚者也他如配氏名號世次年分有同有異有詳有略各譜中不可枚舉皆因代遠年湮考訂失實鈔寫失真以致因訛傳訛彼此互異可勝道哉故據各處宗譜詳考參訂撮其大綱以四祖爲浙屬羅氏之統宗而分羅江清里雲門僉塘爲四大支其餘各處羅氏則皆四支之分派也雖浙中之羅不盡於是而杭嚴甯紹一帶則若網在綱有條不紊令閱者如示諸掌故編次其說如右俾後嗣子孫知其大略云



蘇東坡蘇公家譜蘇公家譜二十世孫寶鏞謹誌

蘇東坡蘇公家譜蘇公家譜二十世孫寶鏞謹誌

蘇東坡蘇公家譜蘇公家譜二十世孫寶鏞謹誌

蘇東坡蘇公家譜蘇公家譜二十世孫寶鏞謹誌

蘇東坡蘇公家譜蘇公家譜二十世孫寶鏞謹誌

按慈谿羅江系圖始祖合則公諱甫元配鄭氏繼配孫氏生  
二子長隱次伏及閱新城清里系圖隱公之曾祖曰僊祖曰  
知微父曰修古配趙氏生二子長隱次權合觀兩圖大不相  
符余雖不敢斷清里爲非然清里之譜作於前明去五代甚  
遠觀所載年分世次甚多舛謬未必果爲可信慈谿之譜創  
於宋嘉泰間合則公九世孫仲元所作去五代尙近又有從  
兄名仲舒者爲宋理宗朝名臣同爲考訂其書合則公爲隱



公之父必有確證斷非無所據而云然也况譜圖明書隱公居餘杭子塞翁於朱梁貞明閒依祖而居墓葬上黃山謝墅橋今其墓猶在其明徵也清里所書修古公或係合則公之別字不然則流傳失真記載之訛耳至慈谿載隱公之弟諱伏清里載隱公之弟諱權二說未知孰是而予自隱公之諱推之則伏洵爲隱之弟自隱公之始諱推之則權未始非伏之初諱也考吳越備史隱公始名橫十上不第遂更名隱取隱居不出之意得毋其弟始名權因五季變亂亦更名伏取伏處不出之義乎且隱與伏之名義相類橫與權之字體又相類則權公之卽爲伏公不綦明且悉與至兩譜所書酈氏



亦多不同。塞翁之子慈谿，譜名好智。其後在白馬隩口啓族。清里譜名孝，其後在清里啓族。蓋因塞翁前居餘杭，後居羅江，兩地各娶一妻，各生一子，相距五百餘里，歷數傳而音問不通。彼此闊絕，在羅江之後裔祇載其所知而不復載其在餘杭之事，在清里之後裔亦祇載其所知而不復考其在慈谿之事。是以兩地所書不能一轍，兩譜相核判若兩人矣。余故訂而定之，以釋後人之疑。

二十世孫寶煦謹誌



公之... 其... 橋... 始... 微... 翰... 不... 臨... 舊... 亦...





宗規

一宗祠爲序齒之地大祭乃追遠之時凡值每歲正旦燈祭冬至祭宗長率支長及各紳董子姓等齋明盛服齊集宗祠務要早臨挨次拈香行禮毋得越分自初至終無論主祭與祭及執事之人俱要端莊齋遯必誠必敬洋洋乎如在其上如在其左右毋得喧譁跛倚失禮犯分以致先靈不安禮畢散胙不準鬧酒如有失儀犯齒闖禍者議罰

一君子將營宮室宗廟爲先凡祠堂屋宇牆壁如有朽壞坍塌者小則隨時修築大則公議捐派建造各隨力量毋得抗拒祖宗墳墓不分遠近俱要清明拜掃培土立碑凡廬舍甃石



樹木碑碣之類不時令人檢點倘有廢壞傾仆即時修整此宗長支長及各董事之責也

- 一 祖宗誥敕衣冠器皿書籍及遺像遺藁之類皆爲家寶務要珍藏不許遺失如有黷損朽蠹亦宜及時修整勿令終壞卽宗祠祭器雜物亦宜隨時修補不准借人私用違者議罰畢
- 一 宗祠流傳祭產及各房捐助田地山場并祖墓前後山田必須開明登簿輪流承值子孫永遠保守毋得藏匿鬻賣違者以不孝論公議革族
- 一 忠孝節義人之大閑吾羅氏遷虞以來詩書啓後清白傳家爲鄉邦中推重如前明文仲公之孝正仲公之我王太孺人



之節慎菴公之忠俱足流芳百世垂範後昆繼自今子子孫  
孫尙其恪守四字勿玷家聲吾祖宗在天之靈有厚望焉  
一吾宗聚族數千貧富相耀幾若途人然自吾祖宗視之則皆  
一人之身所分也夫以祖宗之身爲身者卽當以祖宗之心  
爲心族中如有饑寒不能自存及喪葬不舉婚嫁失時者本  
房殷戶當默體祖宗之心量力賙給以爲將伯之助使異日  
自己子孫有所矜式他如鰥寡孤獨尤宜矜恤卽屬秦越亦  
不忍坐視况一本之親乎昔范文正公創立義田至今傳爲  
美談吾族如有力量充裕不吝己財仿而行之使范氏不得  
專美於前則祖宗幸甚闔族幸甚勉之望之



一族中如有聰明子弟爲父兄者不可惜費務要培植讀書必使專心肄業努力成名如或家境艱迫不能培植本房殷戶當出資相助竭力栽培使之名成德立以仰體吾祖宗一本之意若能不惜重貲創立義塾則俊秀之士得以藉此上進爲國家培士爲一族增光更爲美舉矣勉之望之

一族長統一族之子姓房長理各房之子姓其責甚重所係非輕必先自端品行守禮法公正清廉心無私曲而後出而訓卑幼判曲直言出無不遵法隨無不服若其人品行不端禮法不守不務正業不存公道不得爲族長房長凡生平未曾娶室者亦不得爲族長房長若娶過早亡不續者不在此例



一族中凡爲子弟者不得恃父兄之勢欺凌宗族卽爲父兄者亦不得以爵位壓鄉黨

一族房職司族務治理族人齒高分尊爲卑幼者務要尊崇毋得藐視倘有輕慢族房抵抗尊長言語崛強不守禮法者作不肖論輕則訓斥重則鞭笞

一族中不得平空興訟如或爲祭祀起端或爲分產起釁或爲口舌起因必須邀請族房及紳董同詣宗祠或祖堂兩造稟明緣由族房卽將緣由察情核理秉公直斷劈其是非必須遵依毋得抗違若不先稟族房背地控告者議罰倘經族房公斷之後尙有崛強不依以致成訟者俟後族房具稟終照



所斷情節據實申明斷不用情毋後悔

一族中讀書子弟當以行誼爲重慎勿惟利是圖若其人一入黷門不守臥碑包攬詞訟貽害族黨不孝不慈無禮無義卽爲不賢子孫勒令來祠罰跪中堂聽候宗長訓斥

一族中無論家境貧富均宜各尋正業不可怠惰蓋人能勤以作事儉以處家士農工商各擇一業彼此相通有無相易方不爲天壤閒廢物不然則貧者無以謀生必致放溢爲非富者卽托祖先餘蔭坐擁千金而毫無寸長虛糜廩粟是亦蠹而已矣此恆業之所以不可無也况有恆業者必有恆心自不貪非義之財不作非分之事此貧者可以致富而富者可



以長保也若其人不務正業游手好閑卒至妄干匪僻不顧廉恥盜竊拐騙敗壞宗風凡若此者輕則革族重則送官

一族中如有不肖子孫不顧王法不遵族規竟敢設局聚賭出桌騙財引入匪類破人家產此等不肖無可寬恕務要革族并送官究治凡在場同賭者輕則鞭笞重則斥革各房切宜警戒毋違

一族中如有無賴子弟不守正業將自己家產敗盡遂至窮兇極惡無故尋非強橫霸道欺虐善良播弄詞訟貽害族黨此種不法作棍徒論輕則斥革重則送官嚴究不貸

一族中有不法之人理應革族者必須邀請族長房長紳董同



詣宗祠公議斥革譜內註明革族若數年後改過前非確守  
規矩仍求本房房長保舉邀同族長紳董詣宗祠公議開復  
譜內註銷若開復後又爲不法再詣宗祠公議斥革譜內註  
明永革不復若由保舉之房長出首祇革本人於房長無累  
若由他人出首則保舉之房長革去房長以懲濫保之過

一吾族向有娶室無出以異姓人入繼爲嗣者譜內本宜刪除  
但查其歷年已久大宗祭祀早經承領現經宗長房長紳董  
公議不必追其既往另入補遺今宗譜告成族規議定嗣後  
若有身故無嗣或年老無出者只許本支下由親及疎以應  
繼者爲嗣毋得紊亂斷不準以異姓人爲後亂宗以杜莠人



滅節之禍

一異姓人爲嗣已久者雖已入譜究非一本日後不準爲族長  
房長凡一切祭祀只許承領不準輪流承值沒後神主不得  
入祠永爲定例

一吾族統譜久不葺續各房庚簿亦不紀載故支派致遺脫無  
一查今議造譜之後大四支各立本支草譜一部每逢清明時  
節支長同房長於各屬下凡有娶者查明其人配何地何姓  
何女凡有嫁者查明其女適何地何姓何名凡生子者查明  
其生之年月日時并名字凡身故者查明其卒之年月日時  
并葬地查的後卽命司筆者詳書草譜或不娶而歿或無嗣



而絕或夫死再醮或無子立繼或遷居某地俱於清明時查  
 明註譜每年照此紀載毋得遺漏俟後續修宗譜族長即命  
 各支所載草譜一齊呈局事畢發還以後各支仍照前例查  
 載

- 一 宗長及各支長分領宗譜壹部務要珍藏勿使損壞以垂永
- 一 久若遇宗長支長替換之日即將宗譜交與新令尹收藏不
- 一 準私自藏匿永為定例

一 異姓人欲圖白入香輿白入譜突其本本日對不與錄其  
 一 懸繪之圖毋得紊亂斷不準以異姓人為後備宗以杜莠人



闔族統行

十八世聰

十九世明

二十世睿

二十一世智

二十二世寬

二十三世裕

二十四世温

二十五世柔

二十六世發

二十七世強

二十八世剛

二十九世毅

三十世齋

三十一世莊

三十二世中

三十三世正

三十四世文

三十五世理









始祖元善公遺像



上真羅氏譜


像圖

治設堂



贊曰

高陽之裔懷漢之支豫章分派虞北  
 肇基左龍右鳳爰宅于茲匪定是卜  
 主善為師家傳畊讀澤衍書詩振振  
 麟趾蟄蟄螽斯聿瞻遺像景仰風儀  
 宜爾子孫有穀是貽  
 進士三元及第誥封光祿大夫左右柱  
 國少保兼太子太保吏部尚書謹身  
 殿大學士前翰林院修撰兵部郎兼  
 學士直經筵日講官同修國史涑安  
 後學商輅拜題





羅氏園  
族宅圖



上虞羅氏譜

宅圖



一

台設堂
















師德堂

節婦亭

節孝坊

南牆門

羽鳳橋

方家瀝

趙氏同子  
大壯公墓

戴公墓

振裕公


龍古坂

萬家墩

誠公













鳳山

周家山  
滴水穴


和穆公橋

謝家岸

祥云

萬善禪院

馬慢橋







龜山


高巷村

景明公

節婦亭



馬慢橋村

同姓墓





鳳山





山祈




胡家寨

祥四公

懷瑜公

村裏峽







山

鹿苑


石柱頭












鷹峯


章家畝村

灣岩泥

龍水公











象鼻嶺

大墓

富六公

法三公

法二公

象先公 楚一公

陸姓墓

隆三公



井

墓五

汝登公肥胡氏梁氏蔣氏












會

屋田





老鼠山



大理公墓  
大儒公墓

趙姓墓

趙姓莊

鳳凰港



菩提巷



薛家村

源橋




朱康山

鼎南公

慎菴公

何家村

陸姓墓







新平山

蘇蘇山

上虞羅氏譜

墳圖



八


台安堂





蘭阜山

蘿巖山

橫塘廟村










白東

華家嶺



賈家村

屋田

廟山半









職田畧



寶田菴

憲公

春林公莊屋









長盛橋



西調馬塘村



東調馬塘村





柯家堰

柯家堰村

古塚

慶星公

趙姓莊

趙墓

鎮龍橋

萬興橋

墩


趙姓村

夏姓村





横甲山廟



應鏗處士


孔家墓













行公倪同倪配民媳民


陸家墩








曦亭公墳圖







栗樹橋

假山村

蔣家橋

孟家堰


永興橋

榮壽橋

永錫巷








白家孔









孔家墓南灣

漢翔公

吉穴

